



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«20» ապրիլ 2023թ.

Ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ԱՐՁԱՆԱԳՐՈՒԹՅՈՒՆ Թիվ 55-2023/15-Ա

Հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վարչական իրավախախտման գործի վերաբերյալ

ՀՀ պետական եկամուտների կոմիտեի իրավաբանական վարչության հարկադիր գանձման և պարտավորությունների կատարման ապահովման բաժնի գլխավոր մասնագետ Աննա Պետրոսյանս, ղեկավարվելով ՀՀ հարկային օրենսգրքի 431-րդ հոդվածի 12-րդ մասով, Վարչական իրավախախտումների վերաբերյալ ՀՀ օրենսգրքի 254-255-րդ հոդվածներով, կազմեցի սույն արձանագրությունը հետևյալի մասին.

Կարո Ենգիբարյանը /ՀԾՀ՝ 2304820311, նույն. քարտ՝ 010541910, տրված՝ 28.08.2018թ. 001-ի կողմից, հասցե՝ Կոտայք, Ջովաշեն, 10 փ., 16 Ա շենք/ հանդիսանում է «ԿԱՐԵՆԳ» ՍՊ ընկերության /ՀՎՀՀ՝ 03540593, պետ. գրանցման համար՝ 42.110.835469, հասցե՝ Կոտայք, Ջովաշեն, 10 փ., 16 Ա շենք/ տնօրենը:

«Հարկ վճարողի գույքի վրա արգելանք դնելու մասին» ՀՀ պետական եկամուտների կոմիտեի նախագահի 16.11.2022թ-ի թիվ ԱՀ 93522 հանձնարարագրի հիման վրա 16.11.2022թ-ի թիվ 93522 որոշմամբ արգելանք է կիրառվել «ԿԱՐԵՆԳ» ՍՊԸ-ի /ՀՎՀՀ՝ 03540593/ բանկային հաշիվներում առկա դրամական միջոցների վրա 4.187.765 դրամ գումարի չափով: Բանկային հաշիվներում առկա դրամական միջոցների բացակայության հիմքով 23.12.2022թ-ի թիվ 93522/1 որոշմամբ արգելանք է կիրառվել դրամարկղում առկա կանխիկ դրամական միջոցների վրա՝ 3.354.220 դրամ գումարի չափով, իսկ 10.02.2023թ-ի թիվ 93522/2 որոշմամբ կիրառվել է արգելանք ընկերությանը պատկանող այլ գույքի վրա՝ 3.415.264 ՀՀ դրամ գումարի չափով:

Ղեկավարվելով ՀՀ հարկային օրենսգրքի 434-րդ հոդվածի 2-րդ մասով, «ԿԱՐԵՆԳ» ՍՊԸ-ի /ՀՎՀՀ՝ 03540593/ դրամարկղում առկա կանխիկ դրամական միջոցների գույքագրման, ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով հարկ վճարողի գույքի վրա արգելանք դնող պաշտոնատար անձի կողմից 16.01.2023թ-ին /LO107591179AM/ փոստային ծառայության միջոցով տնօրեն Կարո Ենգիբարյանին ուղարկվել է գրություն, որով առաջարկվել է գրությունը ստանալուց հետո եռօրյա ժամկետում, իսկ եթե գրությունը ստանալու օրվան հաջորդող 3-րդ օրը համընկնում է ոչ աշխատանքային օրվա հետ, ապա հաջորդող առաջին աշխատանքային օրը ներկայանալ հարկային մարմին՝ «ԿԱՐԵՆԳ» ՍՊԸ-ի /ՀՎՀՀ՝ 03540593/ դրամարկղային գրքով /առկայության դեպքում/ ներկայանալ ՀՀ պետական եկամուտների կոմիտեի իրավաբանական վարչություն՝ հարկ վճարողի դրամարկղում առկա կանխիկ դրամական միջոցների գույքագրման և ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության աշխատանքների կազմակերպման նպատակով: Միաժամանակ, նույն գրությամբ տեղեկացվել է Օրենսգրքի 431-րդ հոդվածի 12-րդ մասով սահմանված՝ հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու դեպքում Վարչական իրավախախտումների վերաբերյալ ՀՀ օրենսգրքով սահմանված կարգով խոչընդոտման փաստի արձանագրման վերաբերյալ:

«ԿԱՐԵՆԳ» ՍՊԸ-ի /ՀՎՀՀ՝ 03540593/ տնօրեն Կարո Ենգիբարյանին 16.01.2023թ-ին փոստային ծառայության միջոցով /LO107591179AM/ ուղարկված գրությունը վերջինիս կողմից ստացվել է 30.01.2023թ-ին, սակայն տնօրենը չի ներկայացել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Միաժամանակ, ըստ «Հարկատու 3» ԷԿՀ-ի տվյալների՝ «ԿԱՐԵՆԳ» ՍՊԸ-ն /ՀՎՀՀ՝ 03540593/ 23.12.2014թ-ին ստացել է թիվ 1070 դրամարկղային գիրքը, չունի հսկիչ դրամարկղային մեքենա, 30.01.2023թ-ից մինչև 20.04.2023թ-ը ընկերության կողմից դուրս գրված հարկային հաշիվներ, հաշիվ-վավերագրեր, ներմուծման հարկային հայտարարագրեր առկա չեն, իսկ նույն ժամանակահատվածի համար վճարումներ չեն կատարվել:


Նկատի ունենալով, որ «ԿԱՐԵՆԳ» ՍՊԸ-ի /ՀՎՀՀ՝ 03540593/ տնօրեն Կարո Ենգիբարյանի վերը նկարագրված արարքը համապատասխանում է Վարչական իրավախախտումների վերաբերյալ ՀՀ օրենսգրքի 182.6-րդ հոդվածին,

ուստի 02.03.2023թ-ին ՀՀ պետական եկամուտների կոմիտեում հարուցվել է վարչական վարույթ, համաձայն որի Կարո Ենգիբարյանին փոստային ծառայության միջոցով 04.03.2023թ-ին /LO108383026AM/ ուղարկված վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու համար 02.03.2023թ-ին կազմված ծանուցագրով նշանակված օրը՝ 10.03.2023թ-ին ծանուցագիրը ստանալու փաստը բացակայել է, ուստի՝ 02.03.2023թ-ին հարուցված վարչական վարույթը 10.03.2023թ-ին կայացված թիվ 55-2023/15-Կ որոշմամբ կասեցվել է, իսկ 04.03.2023թ-ին ուղարկված ծանուցագիրը Կարո Ենգիբարյանի կողմից ստացվել է /LO108383026AM/ 14.03.2023թ-ին:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 20.04.2023թ-ին ժամը 10:30-ին, ինչպես նաև վարչական իրավախախտման վերաբերյալ գործի քննությանը 26.04.2023թ-ին ժամը 10:15-ին մասնակցելու համար 05.04.2023թ-ին կազմված ծանուցագիրը տեղադրվել է Հայաստանի Հանրապետության հրապարակային ծանուցումների պաշտոնական ինտերնետային կայք, որը Կարո Ենգիբարյանի կողմից ստացվել են 12.04.2023թ-ին:

Չնայած այն հանգամանքին, որ 05.04.2023թ-ի ծանուցագրով Կարո Ենգիբարյանը 12.04.2023թ-ին պատշաճ կերպով ծանուցվել է վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու համար սույն թվականի ապրիլի 20-ին, ժամը 10:30-ին ՀՀ պետական եկամուտների կոմիտեի իրավաբանական վարչություն ք. Երևան, Սասունցի Դավթի 87 Ա հասցե ներկայանալու մասին, այդուհանդերձ չի ներկայացել, չի ներկայացրել որևէ բացատրություն, ուստի սույն արձանագրությունը կազմվել է Կարո Ենգիբարյանի բացակայությամբ:

Արձանագրությունը կազմեց՝
ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժնի գլխավոր մասնագետ


Աննա Պետրոսյան

Իրավախախտում կատարած անձ՝
«ԿԱՐԵՆԳ» ՍՊԸ-ի /ՀՎՀՀ՝ 03540593/ տնօրեն

Կարո Ենգիբարյան

Ստացա մեկ օրինակը

ընդամենը -- էջ

*Սույն արձանագրության 2-րդ էջի դարձերեսին ներկայացվում են Վարչական իրավախախտումների վերաբերյալ ՀՀ օրենսգրքի 267-րդ հոդվածով նախատեսված՝ վարչական պատասխանատվության ենթարկվող անձի իրավունքներն ու պարտականությունները

*Վարչական իրավախախտումների վերաբերյալ ՀՀ օրենսգրքի 267-րդ հոդված

Վարչական պատասխանատվության ենթարկվող անձի իրավունքներն ու պարտականությունները

Վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաբանի իրավաբանական օգնությունից. ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը. գանգատարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

